

Byagim Iq Dwgggyaez

可爱的小金鱼

上林县大丰镇皇周小学二年级二班 周海金



Ranz gou ciengx haj duz byagim iq dwgggyaez, song duz saek henj, sam duz saek hoengz. Gyoengqde moix ngoenz youq ndaw raemx vaiqvued dwk youz bae youz dauq, couh lumj haj diuz saidoengz youq ndaw raemx diuqfoux.

Gij vayingh byagim youzraemx haenx gig lai! Miz seiz baihgwnz baihlaj neb dwk youz; miz seiz ngeng ndang youz; miz seiz lij baiz baenz cih it……Ceiq miz yinxdaeuz couh dwg ciengj gwn ha! Moix daengz gou ndwn youq henz gang seiz, haj duz byagim aj bak dwk, caez youz gvaqdaeuj, lumj yaek diuq okdaeuj nei. Gou gipmuengz dawz gijgwn gveng roengz ndaw raemx bae, cij dingqnyi “fi” sing ndeu, haj duz byagim ceng gonq lau laeng dwk ceng gwn. Yaep he, couh gwn liux lo.

Byagim gwn imq le, youh hainduj youzlangh, aen gyaeuj nem aen gyaeuj, aen mbaq caeuq aen mbaq bingzbaiz, mienh youz raemx, mienh gangigoj, caen vaiqvued ha! (指导老师:李文海)

Duzma Iq Cabheiq

淘气的小狗

上林县大丰镇皇周小学二年级二班 黄明月

3 ndwen gaxgonq, ranznden soengq duz ma iq lij caengz ndaej ndwen haenx hawj gou. Duzde ndang luenzlili, gij bwn saek hau, lumh gij bwn gig sangj, fouq lwgda ndaemndatndat, dwgggyaez dangqmaz, dou heuh de guh Dahhau.

Gaej yawj dahhau yienghneix iq, de lumj daxmeh de, hix ak raixcaix, cijaeu miz vnz byaij gvaq bakdou ranz gou, de couh boemz roengzdaeuj, sing hung dwk swenj hwnjdaeuj. Yienghneix, daxboh aeu lienh daeuj lamh de hwnjdaeuj, mboujnex, de couh daj gehdou ndonj okbae, bae hwk boux byaij gvaqdaeuj haenx. Ngamq daeuj ranz gou duenh haenx, de rox buet baema aen ranz gaxgonq de, baez naengz dou ra mbouj raen de seiz, de cingq youq ranz gaxgonq de caeuq daxmeh, beixnuengx de guh' angq ne. Mboujguenj baenzlawz swenj heuh de, de cungj mbouj ma, cungj dwg ranznden umj de dauqma hawj dou. Baez naengz dahhau raen dou gaem gij gwn seiz, de couh diuqyetyet dwk, gwn doxgaiq seiz, cungj gaemz hung dwk, lumj geij ngoenz mbouj ndaej gwn doxgaiq lo, lij

mienh gwn mienh bi rieng, lumj docih dou soengq doxgaiq hawj de gwn. Baez naengz daengngoengz hwnj sang seiz, de couh gikgyakgyak dwk ninz youq gwnz dieg; baez naengz mbwn laep seiz, dahhau couh bi diuz rieng, lij swenj dwk, siengj hawj dou daiq de okbae youzbyaij, deng gyaeng ngoenz ndeu le, de gamjdaengz mbwq raixcaix, hix siengj okbae guhcaemz lo.

Neix couh dwg duzma iq dwgggyaez youh cabheiq ranz gou. O, de yienznaeuz miz di cabheiq, hoeng ngoenz naengz hix lauxsaed gamguenj aen ranz. Siengsaeng sou raen dahhau le, hix gyaez de ha.

(指导老师:李文海)



Youq ndaw swngghoz, gou miz haujlai baez daih' it, ceiq hawj gou nanzlumz dwg baez daih' it cing cwz.

Ndaw hanzgyaj, gou dauqbae ranzcoj baez ndeu. Youq ranzcoj, ciengx miz song duz cwz, duz cwzmeh ndeu, duz cwzlwz he. Ngoenzsinghiz gwn ngazromh sat, daxboh doiq gou naeuz: “Sanhsanh, yaep dem mwngz cing duz cwzmeh ranz raeuz bae hawj Auseiq.” Gou baez dingq, naeng-gyaeuj cumh lo, yienznaeuz gou dwg bi duzcwz doekseng, hoeng cungj gig lau duz cwzmeh hungsang neix, engq gaej dwen bae cing de lo. Daxboh raen gou gig mbouj cingznyienh, couh naeuz: “Duz cwzmeh neix gig dingq vah, youh gig soh, mwngz cijaeu cing diuzcag bae doekgonq hawj de gaen laeng bae couh ndaej lo, gou caemh youq

baihlaeng gwed hongdawz dem ne.” Gangj sat, daxboh cing cwzmeh ok riengh daeuj, ndenq diuz cag hawj gou.

Duz cwzmeh youh biz youh cangq, mbouj yawj gizwnq, dan yawj song ndaek gaeu youh hung youh soem de, gou couh lau lo. Gou mbouj nyienh cing duzde, youh lau daxboh veiznanz, gou cijndeidi dapwnq lo.

Daxboh sousib ndei hongdawz le, dou couh hwnjdin lo. Gou cing cwzmeh youq baihnaj, fwngzgvaz gaem gyaeujcag, mbouj hawj cwzmeh dep

gou daiq gyawj, lau duzde bongh gvaqdaeuj daemj gou laemx. Daxboh gwed hongdawz riengz youq baihlaeng. Ciemhciemh dak, gou raen cwzmeh gig dingq vah, sim gou damzdingz lo, caemhcai q seiz mbouj seiz cienq dauq laeng lumhlumh fouq gaeu de, gou gamjdaengz gig ndei caemz.

Daengz gwnz daihlhoh rog mbanj, cwzmeh sawqmwh dingz din “mo” sing ndeu, gou sim baez gaenj, diuzcag doq lotfwngz doek gwnz loh bae lo. Daxboh riu dwk naeuz: “Duzde dwg caeuq

Daxmeh Bienq Lo

妈妈变了



Moix haemh mbwnfuemx, gizgyae cienz daeuj gij yinhyoz ndeidingq, daxmeh ndeigyaez gou haengjdingh youh youq gij yinhyoz ndeidingq haenx diuqfoux yekyek lo.

Gou fatyienh daxmeh bienq lo. Gaxgonq gwnz gai miz vnz diuqfoux, gou cungj buet bae ngonz, lij riengz hag diuq dem, moixdang gou diuq dwk mizyinx seiz, daxmeh couh rag gou baema ranz, lij hongz gou naeuz: “Seizneix hagsib youqgaenj, gaej bae hag fij mboujmiz yungh neix.” Gou mbwq gij dauhleix hung daxmeh, couh nyaenx dwk mbouj bae lo, hoeng youh nyaenx mbouj ndaej cam daxmeh: “Daxmeh, mwngz vih gijmaz mbouj bae diuqfoux ha! Youh ndaej cangqndang youh ndaej gemjbiz……” Daxmeh gag damz naeuz: “Gou hag mbouj rox law.” Gou yawj fouq da daxmeh, yawj ndaej ok de miz di simdoengh lo, ndigah couh lex gij daih dauhleix de ciengz gangj haenx naeuz: “Gizlawz miz maz doxgaiq hag mbouj rox, mbouj hag baenzlawz rox ne.” Daxmeh yawj gou, lumj dahsau iq dawz mbouj dingh cawjeiq he, gou youh caiq gujli de, de lumj roengz gietsim lo, seizneix gou sikhaek rag de bae dieg diuqfoux haenx.

Daj seizhaenx hwnj, daxmeh couh maez diuqfoux lo, cengdi baez daengz banhaemh roek diemj buenq couh bae dieg haenx diuqfoux lo, cig daengz bet diemj cij dauqma. Moix baez dauqma, daxmeh youh lwnh gij saeh sim' angq de hawj gou dingq. Gou gag angq, siengj mbouj daengz gou hix ndaej gaijbienq daxmeh!

Cuengq sujgyaj baema lajmbanj, gou laihnaeuz daxmeh yaek camhseiz biek gij foux de lo, byawz rox de lij dwg sibgveng dwk baez gwn caeuz sat couh okbae, laxlawz de gingqyienz bouxdog youq gwnz benq namh hoengq aen ranzmiuh ndaw mbanj gag diuq, caen dwg myik daengz gou lo.

Mbouj geij nanz, ndaw mbanj haujlai vnz daeuj humx daxmeh, lienz vnz mbanj wnq hix ganj daeuj lo, doeklaeng baenzlawz yiengh gaenq mbouj yungh gangj lo, daxmeh ndaengmoj dwk baenz boux vujdau lauxsae ndaw mbanj, miz aen doih diuqfoux he, daxmeh baenz gwnz vujdaiz dujva ceiq ronghsien haenx.

Daj daxmeh maez diuqfoux le, saedceij gou couh bienq camj lo, daxmeh cengdi moix ngoenz cungj daeuj geuj gou, heuh gou bang de hwnj muengx yacaij gohgiz, gou cijnaengz bang de, guhdaengz gou seizneix baez dingq daengz “go” cih saw neix couh yaek gyaeuj dek.

Mboujgvaq moix baez yawjraen daxmeh diuqfoux gij yiengh angqfwgfwg haenx, gou gamjdaengz gou sinhoj di hix daej lo. Daxmeh gaenq geq lo, miz byomhau daj ndaw byomndaem conh okdaeuj lo, daegbied yienh da, gou gamjdaengz daengz cungj nienzgeij neix ra ndaej gienh saeh cihgeij gyaez guh he, couh dwg cungj vuenyungz he, cungj yiengjsouh he.

Daxmeh, gou hohfuk mwngz, hoh mwngz ciengxlwenx fouxdoengh vaiqlag. (roek nienzngaep Cau Vwnz)

Nanzlumz “Baez Daih' it”

难忘的“第一次”

gou daiq gyawj, lau duzde bongh gvaqdaeuj daemj gou laemx. Daxboh gwed hongdawz riengz youq baihlaeng. Ciemhciemh dak, gou raen cwzmeh gig dingq vah, sim gou damzdingz lo, caemhcai q seiz mbouj seiz cienq dauq laeng lumhlumh fouq gaeu de, gou gamjdaengz gig ndei caemz.

Daengz gwnz daihlhoh rog mbanj, cwzmeh sawqmwh dingz din “mo” sing ndeu, gou sim baez gaenj, diuzcag doq lotfwngz doek gwnz loh bae lo. Daxboh riu dwk naeuz: “Duzde dwg caeuq

doengzdoih doxdongx hane, yawj mwngz lau baenz yienghneix!” Gou coh baihnaj yawj bae, raen youq ndaw reih gizhaenx miz duz cwz ndeu cingq muengh coh gizneix, gou caegcaeg riu lo. Daxboh coi gou vaiq gaenriengz bae gip diuzcag hwnj, dang gou gyaep hwnjbae seiz, diuzcag bub hwnj bub roengz dawz mbouj ndaej. Lij dwg daxboh miz banhfap, de ngamq hemq “ho” sing ndeu, cwzmeh couh dingz din roengzdaeuj, gou cij gaem ndaej diuzcag hwnj. Couh baenzneix, gou swnhleih cing duz cwzmeh bae daengz ranz Auseiq lo. Daj baezneix hwnj, gou caiq hix mbouj lau cwz lo.

Cing cwz caen mizyinx, gizsaed, cwz dwg cungj doihduz simsoh lauxsaed youh miz gamjcingz he!

(roek nienzngaep Veiz Sanhsanh)